

別集叢刊

張羽集

〔明〕

張羽 著
湯志波 點校

下冊

情每慕尚賦停雲
據契潤實藉

廿三首目懷成沛

續賦用健末篇

難居家兮無媒擇婦
貴親時難合雅著

居改晉清日久仁福
宿勝佳北無

好吟改立體進陽

八陽遠郭小傷心舊

浙江古籍出版社



國家社科基金青年項目“沈周與吳中文壇研究”（項目編號：15CZW036）

中央高校基本科研業務費專項基金華東師範大學人文社科青年跨學科創新團隊項目
“多元視域下的江南文化研究”（項目編號：2018ECNU-QKT008）

國家古籍整理出版專項經費資助項目

張羽集

下冊

張羽
湯志波
點校

浙江古籍出版社



圖書在版編目(CIP)數據

張羽集 / (明)張羽著;湯志波點校. —杭州:
浙江古籍出版社, 2018. 12
(別集叢刊)
ISBN 978-7-5540-1440-0

I. ①張… II. ①張…②湯… III. ①古典詩歌—詩
集—中國—明代②古典散文—散文集—中國—明代 IV.
①I214.82

中國版本圖書館 CIP 數據核字(2018)第 268044 號

國家古籍整理出版專項經費資助項目

張羽集

〔明〕張 羽 著 湯志波 點校

出版發行 浙江古籍出版社
(杭州市體育場路 347 號 郵編:310006)
網 址 www.zjguji.com
責任編輯 沈宗宇
封面設計 劉 欣
責任校對 余 宏
責任印務 樓浩凱
照 排 浙江時代出版服務有限公司
印 刷 杭州富陽美術印刷有限公司
開 本 850mm×1168mm 1/32
印 張 17.625 彩 插 8
字 數 390 千字
版 次 2018 年 12 月第 1 版
印 次 2018 年 12 月第 1 次印刷
書 號 ISBN 978-7-5540-1440-0
定 價 88.00 圓(全二冊)

如發現印裝質量問題,影響閱讀,請與市場營銷部聯繫調換。

詩集補遺

五言古體

擬古十首〔一〕

落落磧底松，纖纖路傍柳。落落固難合，纖纖終易朽。感彼世間人，結交當結厚。願如膠漆堅，寄之當永久。生平長如茲，不在接杯酒。如何勢利交，變態如覆手。咫尺不相知，離隔復何有。

行行出荒城，遙遙見古墓。慨彼泉下人，千歲永不寤。衣冠日已朽，狐兔穴無數。白楊來悲風，芳草沒行路。人生若飄塵，壽非盤石固。陰陽相推遷，命如草頭露。自古有生死，聖賢亦難度。爲樂當及時，無爲惜朝暮。

蒼蒼西陵樹，鬱鬱南山芝。死者不復還，生者徒爾爲。感彼人一生，光陰如電馳。彈琴再三嘆，戚戚有餘悲。忽念同門友，別去長相思。振翮兩相忘，何當遠來茲。但願常巧笑，懽樂能及時。踟躕感節物，遇酒詠露斯。素心一何堅，棄捐非所期。

庭前有佳樹，奕奕發春輝。豐條長華滋，綠葉漸芳菲。馨香逐惠風，馥馥飄我衣。游子遠行邁，式微胡不歸？相去日已長，豈不念乖違。慨彼當今人，知音古所稀。采此欲遠寄，何由覩容徽。

高樓峻而安，巍巍造雲表。綺窗四面開，華薨覆清沼。上有絃歌聲，音響自繚繞。瑤琴間寶瑟，所彈多佳調。不辭彈者勞，但恨知音少。清商凌風翻，中情正悄悄。愛而能惠我，願爲雙飛鳥。

閑夜會親友，置酒臨高堂。秦箏間趙舞，吹笙復鼓簧。清音隨飄風，逸響繞脩梁。坐客咸同志，寧復筭羽觴。人生忽如寄，富貴安可常。含情待所懽，渺渺天一方。譬彼鷦鷯鳥，揚聲待朝陽。憂思怨零雨，白日何時光。且當極懽宴，聊以慰中腸。

薄遊上東門，南望青山阿。松柏鬱蒼蒼，絕頂亦嵯峨。中有避世者，存身養元和。我欲求其人，年歲空蹉跎。驅車尋歸路，延目望三河。古來節俠士，孤墳蔽蓬科。殺身不成仁，倏如飛鳥過。宛轉《採芝曲》^(二)，令人生嘆嗟。

出門行康衢，所見但車馬。登高望太行，中原空曠野。胡雁投南遷，白日從西下。值此歲

年晏，無可爲懽者。馳詠寄親友，孤懷聊用寫。布衣可終身，爵祿當自舍。

少年好繁華，所愛惟桃李。結交輕薄兒，攜手日遊戲。驅車洛陽陌，風塵爲之起。繁華在三春，芳菲正鮮美。秋霜若磬折，漂零此云始。豈知松柏堅，冬夏長如是。迴轡舍之去，深入南山址。富貴多留人，且從黃與綺。

處世如逆旅，生年少至百。朱顏易枯槁，鬢髮終變白。一朝氣息盡，奄然歸幽宅。衣裳弗復御，車馬他人得。豈無俎豆陳，滿案不能食。所以君子心，鼓瑟以永日。佳賓時相過，濁酒聊共適。況此忘百憂，陶然謝形役。區區塵俗中，鄙吝深可惜。

【校勘記】

〔一〕按，弘治本題作『擬古十首』，目錄作『擬古十二首』，實收十二首。萬曆本、民國本將《庭前有佳樹》《薄遊上東門》兩首分別與前一首合併，湊成『十首』之數。

〔二〕『曲』，底本作『田』，據萬曆本、民國本改。

元夜值雨

嚴城弛宵柝，遊宴樂芳年。焉知向此夕，寒雨暗晴川。佳盟坐成阻，清觴誰共傳？華燈淡

無光，歌管寂不喧。千門火市散，九衢人跡捐。弗見心所愛，值此獨凄然。

春寒

齋居滯積晦，餘寒襲春服。谷風從東來，微雨亂相續。蘭心茁還卷，蟄戶啓仍伏。樹冷寂鳴禽，庭荒絕來躅。此時重燃火，傾觴泛新醕。尋芳期自愆，懷人思方數。淑景元易徂，掩扉愁獨宿。

春雪

寒雲接春野，客衣夜來薄。凍雨曉成花，隨風散高閣。潤添柳意重，清兼梅片落。壓篠亂離披，穿林紛淡泊。寒雀下空堦，凍泉哽哀壑。此時開帷坐，遙望青山郭。

次韵答高記室春日寄懷

幽窗逗春和，惠風展殘編。注目惜時芳，懷人當晝眠。雀乳草漫野，花競鵲啼煙。襟期想

無背，自然情屢牽。

春日郊原

陽春氣云晏，蔥蒨衆卉新。芳園新雨罷，輕風生綠塵。群山布遐景，廣陌見遊人。步階尋蘭遠，掩閣看花頻。佳禽有餘嘯，靜聽悅心神。幸此塵事簡，況諧農圃鄰。一酌芳樽酒，披懷寫悃勤。

春日過田家

閑行無所適，試款田間扉。稚子出門迎，老父荷鋤歸。延客置上坐，相見情依依。但言開歲來，戮力肯復遺。桑麻繞屋長，田蠶俱及時。且復息所務，一壺聊共揮。感此意真淳，一醉不復疑。躬耕從古然，但使願無違。

暮春值雨宿陳惟寅園次韵高季迪見寄

嫣紅送韶華，去去不可攀。那知鳥啼倦，徂春掩柴關。扶藜覓良朋，圖解永晝閒。遽堪山園雨，來洗殘芳顏。趣赴種韭畦^{〔一〕}，借榻青蘿間。通宵話忘眠，窗日睡未還。

【校勘記】

〔一〕『畦』，民國本作『畔』。

夏日曉行苕溪道中

渺渺孤舟逝，寥寥天象明。虹霓照川上，宿雨朝始晴。沿流玩澄景，豁然暢幽情。前瞻遠山靜，旁眺埜田平。窈窕菱荷色，幽脩蟬鳥聲。覽化心已悟，遠俗身自輕。值此足容與，無爲戀歸程。

夏景山林

山中可久留，遊子已忘歸。喬松蔭茅宇，奔泉浥荆扉。颼颼谷風涼，嘲嘲鳴禽飛。仰聆伐木遠，俯視來踪稀。企石摘蘭茝，攀蘿眺嶽崎。玄雲蔽赤日，炎光變清輝。居安理自順，慮淡願無違。欲招同懷客，共製青蘿衣。

山閣夏夜

茲山何嵒崑，飛閣復崢嶸。踈松含秋思，華月麗層甍。開襟倚懸檻，沉抱倏已清。炎歊暫如忘，涼風四座生。翻翻棲鳥沒，依依遠火明。仰觀星漢回，俯瞰原隰平。景幽世_(一)事絕，安居道心精。於焉悟澄靜，逍遙寫中情。

【校勘記】

〔一〕『世』，萬曆本、民國本作『塵』。

納涼偶成

楚氣變蒼涼，華月始東上。空庭夜無喧，清景自堪賞。散髮乘夕涼，當軒坐閑敞。輕風度荷氣，微露和松響。獨酌詎成懽，高歌誰當獎。憂來攬衣卧，舊游勞夢想。

五月二十四日大雷雨

朱火熾中夏，苦熱安可當。朝遊倦白羽，夕息思匡床。暴_(一)雨從何來，振風方自揚。驚雷破屋柱，飛電舒夜光。豐注懸脩雷，巨漲溢高防。恭聞帝舜德，至德弗迷方。小子敢不畏，整冠坐中堂。

【校勘記】

〔一〕『暴』，萬曆本、民國本作『疾』。

酒醒聞雨

端居苦炎熱，獨卧多早悟。微醉易成醒，起聞山雨度。蕭蕭煩燠解，寂寂涼颼舉。牀空簟更清，漏永天難曙。豐雷落芳塘，驚禽起山樹。此時一披襟，將何慰幽素？

觀稼

仲秋積風雨，長空夜來晴。幽居悶無悵，散步南田行。歷覽周四隅，禾稼如雲平。嘉穗覆高壠，秀色接遙城。斜陽照阡陌，田禽時一鳴。預知年穀登，行看倉廩盈。玩景欣美物，爲農喜歲成。方同閭里歡，佇詠一開情。

【校勘記】

〔一〕『開』，民國本魏元曠校勘『開疑作關』。

南莊觀耕田

榮名非素望，守拙居東皋。所依在稼穡，爲獲良已饒。農人告及辰，相敦樹新苗。汗泥畜新水，深根發踈條。青青裊露餘，鬱鬱隨風飄。婦子俱在野，盤飧屢招邀。日夕慰勤劬，傾壺具香醪。即事誠可喜，于焉獨閑謠。緬懷沮溺耦，聲名亦寥寥。孔席不暇暖，問津誠已勞。

晚涼放舟

徂暑驚節謝，幽煩倦日永。翫舟乘夕涼，沿渚入煙境。靄靄殘陽飛，沉沉綠陰靜。蒼茫水容寂，照見歸禽影。開襟招遠風，延目認遐嶺。偶遊非素期，炎氛聊暫屏。守拙寡世用，尋幽得澄景。清賞猶未愜，孤舟當重整。

雨餘聞蟬

村園夏雨歇，衆綠陰已成。高齋掩晝寂，新蟬今始鳴。嘈嘈斷更續，嚙嚙遠還輕。響悲逐

涼吹，歡謝引離情。屬耳念已集，感物襟易盈。煩聒方自此，稍待秋林清。

夏日北窗獨酌

仲夏遭時雨，嘉木含餘清。北窗偶閑坐，臨^(一)觴聊自傾。數酌忽已醉，酣歌漫成聲。緬懷劉阮徒，邈焉起深情。百年亦何爲？忽如流電驚。如何世間人，汲汲徇虛名。落落何爲者，且對芳樽盈。

【校勘記】

〔一〕『臨』，萬曆本、民國本作『壺』。

寢齋喜雨

盛夏久無雨，新秋雨亦佳。涼飈起西北，甘澤須臾來。淒淒逐油雲，密密兼殷雷。絺衣已傷薄，桃笙卷難開。倏忽變氣候，炎氛安在哉！田父扣我門，良苗天所培。預卜豐年慶，開觴

散幽懷。遙想楚王夢，蕭颯巫山臺。

立秋言懷

閑居迷時節，颯然驚早秋。梧葉下中庭，火星向西流。寥寥天界闊，蕭蕭林逕幽。感此運中懷，歲月忽已過。素髮早垂領，前途行未休。賴此一觴酒，且復慰淹留。天運固有常，厲志當自脩。先師有遺訓，任重道且悠。俛焉不知老，吾何苦多憂。

秋懷二首

我家住南山，遂絕咸陽道。寵祿詎足言，一身當自保。況值三秋時，嚴霜悴百草。中心常馳憂，鬢髮易成皓。惜無雲螭駕，騰化愧不早。纍纍北邙塚，誰能得終少。

開秋多涼氣，時物忽已移。蟋蟀鳴空庭，悲蟬號故枝。綠樹變紅葉，悽愴令人悲。如何行路子，式微忘歸期？辛苦求名譽，定與黃鵠隨。不學首陽士，守義寧樂飢。

曉起聞雨

新秋多佳雨，靄然散清朝。幽人寐方起，披衣更蕭條。靡靡東郊翳，渺渺南山遙。曙雲隱晴旭，庭樹起涼飈。煩衿值時散，道心隨景超。感此禾稼長，沉憂當自消。

始聞早砧

寂寂秋景晏，蕭蕭涼吹生。閨人感寒至，一軫遠人情。嘹亮清砧動，紆徐搗杵鳴。微茫帶煙遠，蕭疎出林輕。此時離居客，單眠夢亦驚。披衣一惆悵，斜月滿山城。

詠秋荷

杪秋霜露重，弱質感涼頻。衰遲含夕氣，牢落凌蕭晨。衰紅已散雨，餘香尚近人。翻思盛夏節，玩舟涉廣津。摘花贈遊女，採綠宴佳賓。秋風不少佇，感此盡漂淪。人道每如此，誰知衰盛因。